

省中稿四卷容臺稿一卷符
臺稿一卷二臺稿一卷許
太常歸田稿十卷

〔明〕許穀撰

省中稿中央民族大學圖書館藏明嘉
靖四十二年黃國卿刻本容臺稿符
臺稿二臺稿北京圖書館藏明嘉靖
黃希憲等刻本許太常歸田稿湖北
省圖書館藏明萬曆十五年吳自新
等刻本

附《四庫全書總目·省中稿二
卷二臺稿二卷歸田稿十卷》
提要

省中稿序

南都古六朝地也川嶽靈秀佳麗甲於寰
宇故奇氣所鍾文人才士斌斌焉然不免
綺靡之習觀王通氏續詩稱士衡靈運之
傲休文之冶鮑昭江淹之怨徐陵庾信之
誕江總之詭亦風會使然也迨神龍以還
洎于開元則沈宋王孟諸公力變江左風
流而唐律遂駁駁乎古雅矣

六省中稿序

明興人文炳蔚詩教大興弘德以來擅名
江左者則有若顧華王氏徐昌穀氏劉元
瑞氏號江東三才與關中李獻吉信陽何
景明齊名當代今見諸集中者可致也嘉
靖以來則又有余同年陳玉泉氏許石城
氏亦擅詩名於江東風流乎接武顧徐希
蹤何李者也陳詩已有刻而許公之著述
爲尤富今所刻省中之作特十之二三爾

昔人謂詩窮然後工而山林枯寂之士往往所得爲多若東帶立朝纓情好爵則政務廢積未暇親鉛槧而妍聲律也許公以高第筮仕計部旋擢天官郎時方筮羽駕鸞銓鏡人倫乃能抒情凝思矢口成章今觀古風近體諸作沉着冲邃清雅俊逸雍容乎開元天寶之調蓋天分之高充養之粹而榮寵聲利無以嬰其心故不費編削

天香中稿序

二

超然於谿逕之外如此也昔陳伯玉作感遇詩王適見之曰必爲海內文宗席豫和聖製詩文宗謂爲詩人冠冕故連城徑寸人仰爲珍魯曲一嚮世美其味美不在多其茲集之謂歟跡公平生端亮夷曠不能妍媚諸俗故仕爲學憲爲清卿爲符卿往往取忤於時不及大用然自縣軍以來文學益邃詩律益富如雲蒸泉湧莫可涯涘

繼此將弁梓以傳以此視彼其所得孰多耶參伯黃滄溪氏公門人也篤誼好文得公茲集先梓之浙中屬余爲序余與公年誼最厚頃官留都詩篇唱酬無數拙稿蒙評選而序之則今於茲集也雖微參伯之請亦當勉贊一辭而况乎有請也

嘉靖癸亥夏六月

賜進士出身資善大夫南京工部尚書致仕

天香中稿序

三

前南京禮部右侍郎翰林院學士掌院事

右春坊

太子諭德兼侍講同修

國史 會典莆陽礪峰康大和書



刻省中稿序

省中稿者吾師石城許先生官天曹時酬贈游衍之所撰述積久而成帙也卿游先生之門廿載于茲先生於卿蓋無行不與而於詩教獨末語及焉邇以職事入留都得侍燕居因以詩學爲請先生始授是編然猶丁寧告戒不欲示諸人人也既受以入浙時加展玩則見其長篇短什諸體悉

刻省中稿序

備而玄辭奧旨多所未聞大都皆本乎性情而協於宮徵通乎倫理而裨於世教其悠然自得之趣淵然雋永之味不煩繩削而架雙森嚴不假粉澤而精采焜耀則凌六朝駕兩漢風流最遠先生得於家庭之所指授師友之所琢磨既已泝流而窮其源矣而醇正之學忠愛之心冲澹明遠之志

尤有超於聲律格調之外者此所以闢闢縱橫曲盡其變而溫厚爾雅獨擅其宗信詩家之極軌也朝夕諷誦不能釋手簿書之暇因釐爲四卷將謀之梓人以寄諸同志者適大司空礪峰康先生過武林携以請序礪峰先生亟讀之終篇喜而謂余曰石城吾同年莫逆友也正學龐才未究厥施得是集而傳之亦足以垂不朽矣乃爲之序其首端卿不自揣復述其大梗如此先生早年勇退杜戶著書述作甚富茲特其什一云然觀於此者亦足以知先生之心矣

刻省中稿序

嘉靖癸亥季夏之吉

賜進士亞中大夫浙江布政司右叅政前奉勅提督江西學校門生揭陽黃國卿謹序

省中稿卷一目錄

五言古詩

登第後自述示三子

送江進之赴汝州四首

省居外舅視子京邸臨別奉贈

東城子哀詩 答陳比部羽伯

七言古詩

題印岡圖贈太守羅丈

雪屏子歌 送葉今赴沙縣

省中稿卷目

送向今赴南豐

寶劍篇送高近思赴汝州

張汝益赴溫州司理贈歌

阮德載與余爲中表兄弟別赴魏邑悵然

贈詩 題子昂畫竹

畫鹿行 題文太史水墨山水

武元亮遙授按照磨贈歌

老子青牛歌

耆社繁欬爲裘進士賦

送內弟汝明南歸

省中稿卷一目錄

省中稿卷目

省中稿卷一

五言古詩

登第後自述示三子

汝父少貧賤族匪金貂宗手持上古書十九游
貴宮薄才慙倚馬下筆如雕蟲兩舉擢秋桂虛
名振江東仰瞻承明廬自謂校足通佩劍走燕
市吐氣騰長虹三試竟落羽而誰薦楊雄歸來
淮水頭咄咄惟書空黃金既狼藉貂裘亦蒙戎
風塵十改歲吾道良亦窮負郭苦無資謀生入
吳中求田東海上浪跡漁樵叢海田苦薄惡幸
託天時豐因之具菽水高堂有懼悰扁舟隨所
之豪俊相追從詩酒任放曠身因志益洪邇來
賦三體忽動天子谷一朝賜顏色泥途起貞龍
文采愧英傑迂疎荷登庸非才處盛名憂心目
冲冲白馬青錦袍敢謂稽古功流坎化所存時
至各有逢感茲窮達義丁寧告三童作室貴肯
構努力崇垣墉敷畝亦勤止勉旃思養壘藜莧
苟充腸無然慕甘醪蔽體有皮褐勿求統緒工

習奢竟損福邊分乃去函余奉子罕戒汝效伯
高風金齏詎可羨遺編還足攻富貴倘來寄朱
紫非忤轅作聖首克念養正須童蒙闕筆涕泗
流爾宜保其終

送江進之赴汝州四首

江子儼儒士著書臥巖谷挾策謁聖王命作汝
州牧五馬度成臯雙旌指王屋悠悠萬里途初
展驂驪足

辭親白下門作吏南陽道隼旆煥晴霞儒裾照

省中稿卷二

春草登堂圖戟分行縣朱旂繞遙看嵩嶽林仁
風起枯槁

皇皇形幃彩赫赫朱紱光手持青竹符肘佩黃

金章天寵豈厚躬欽福施一方使君愷悌安肯

負赤子望

班荆坐岐路酌子白王巵丈夫志四方分襟安

足悲位崇才不困境闢化可施願將五稔謠贈

我長相思

省居外舅視予京邸臨別奉贈

燕山杪秋月霜華澹郊原游子別丈人設宴臨
都門丈人玄鶴姿本意栖丘樊獨把青竹杖遠
謝蒼龍直憶昨念親串千里驅高軒下馬百歡
集旋傾鸚鵡樽驚從天上來兒女笑語繁殘余
滯京國居諸隔寒暄此時吐膺肺宛在白下村
既聯黃金臺復覽華林園游賞未云竟早服車
馬喧晨起發長嘯驅駒後南奔西風吹荷衣飄
然不能援此去坐高堂含飴弄諸孫逍遙岍白
幘直與松喬存一官苦懷鄉無由去天閣竚看
僊軌發淒其安可言

寄高待選

三

東坡子哀詩

玄議昨光德皇極考至仁茲理苟不信天道安
所論衣哉同袍子美比璠璣珍一朝秘靈彩行
路皆含辛子也抱奇秀早充觀國賓詞場吐雲
錦豪雋俱後塵初貳司度官旋作容臺臣心清
任收粟道盛無繙磷山公識佳士騰名上楓宸
引置文昌宮軟聲動偏紳懸鏡照庶醜設準調
群論欣持幸有依李杜置難親鞠躬事推薦明

使王風淳如何蹶長步無由展修鱗驪友胡能
留鬼朴邀爲鄉悠悠五馬貴落落三韭貧白頭
拊素車稚兒號蒼旻憶昨蕭寺游朗月遙天新
笑談割昏曉幽明判逡巡邾家珍吉士四海哭
善人升屋招不來惻惻傷我神

答陳比部羽伯

與君昔獻藝攀鱗上龍扉游宦各一方跡遠志
不違君才信經濟而余豈輕肥司封播皇典主
刑奉天威十載欣重聚復此瞻亮暉端坐念今
古世路日益非守身有方矩應物無圓機豈不
愛速化所患道術微輸心類誠欺轉面生刺譏
所競在蟬冕安知有荷衣相思隔晤語悵望心
神飛惠言重膠漆此道今人稀

七言古詩

題印岡園贈羅丈

名山突起都城南屹如天印留人間青霄在上
星斗近白日欲落煙霞還下有層岡若平地見
說丈人開別墅三花榮爛搖天風五柳芳菲酒

巖翠已看花柳媚長薄更有龍蛇藏大壑牛頭吐霧濕荆扉鐘阜流雲映溪閣閣內文章錦繡光少年曾獻天子堂朱幡領郡播甘雨白筆當朝飛烈霜芳名久入山公啓閣情苦憶柴柴里關下空懷諫獵書谷中早曳游山屐谷中驚鶴終可依關下衣冠有是非辭榮豈愛朱丹轂避地惟求薜荔衣即今雲臥已多年修眉一似崑崙嶺近報靈旗巖下落定有人傳王笈篇

雪屏子歌

會中稿卷二

五

點蒼山高高插空靈光直射井鬼宮地軸遙開三百里天險橫分十九峰茲山隆峻不可躡群峰互吐瓊瑤色朱夏長吹六月風蒼巖獨照千年雪巖上高河鏡四圍山川噴雪濺珠璣玄秋萬頃蛟龍臥白日一呼風雨飛山中主人雪屏子即今久曳金門履英姿靈相世所無降嶽生中無乃是主人有才比梁棟主人有文過屈宋南曹衡鑑絕代驚東觀聲名向來重十年映雪臥屏風一日乘雲排帝宮致身位列青雲上懷

土神游錦浪中錦浪何年泛錦槎青雲元自隔青霞群僊爲守玉泉洞古蘿長護木蘭花只今聖代尊堯典清廟登歌列蕝管豈有夔龍學顏箕莫取荷衣勝蟬冕酌氣行扶斗極導調元坐使璣衡轉他日功成看圖歸訪水壺朱云晚

送葉令赴沙縣

丈夫願樹濟人功文章五色空雕蟲一劍游從閩海邑雙鳬飛出長楊宮同榜蹀躞驚廿載愛君髣髴青不改去矣垂簾看政成柳邊青瑣遙相待

會中稿卷二

六

送向今赴南豐

十年抱璞不肯售頭帶鵠冠坐江口時違長嘯蘇門前賦成肯落相如後阿閣終栖綵鳳翰牛刀暫試麻姑壇爲報盱江四千戶新來茂宰似潘安

寶劍篇贈高汝州

高君挂寶劍云是蒼龍精吳王飛電詎足伍魏氏流星空有名十年掩彩不得試石匣虛高寶

繚繫自從閣上長苔文誰向雲間識靈氣燕山
會我車從都言從五馬作大夫別向天涯情轉
切說到龍泉膽更麤結束遙遙向京洛放歌直
過崆峒關試將照水鑒流亡暫借剗犀解盤錯
吁嗟乎天球赤刀在東房此劍豈得留南陽一
日提升紫微座會令遙漢息機槍

張汝益赴温州司理贈歌

海上張君野鶴形新牽黃綬辭彤庭中歲握奇
佐名郡人道干將初出型燕市催裝夏初至馬

省中稿卷一

七

上青袍點飛絮別家遙過鳳皇山喬木蒼蒼映
旌旆旌旆行瞻斗口雲牕臨山海氣氤氲到郡
旋尋康樂句垂簾閑誦呂侯文酌君酒爲君陳
遠縷家風在此身眼看歷塊歸天廐始信騰驤
會有辰

阮德載與余爲中表兄弟別赴魏邑悵然
贈詩

射策金門早致身殿中爭美少年人正欣振鸞
蒼龍陸忽觀飛鳬白馬津白馬津長水如練清

波宛轉通銀漢題柱驚看司馬車栽花喜識安
仁面外家兄弟誼非疎朱雀析邊共著書不愛
栖雲臥丹壑俱能捧日向宸居獻納司存選上
才九重肯鑠待君開寄與兩河風日道政成早
送使車來

題子昂畫竹

古來畫竹稱蕭悅當時一枝乞難得近代王孫
清更奇好事千金頗輕擲王孫畫竹苦不多興
來盤礴思如何即看此幅奪天巧後有畫者誰

省中稿卷一

八

能過杖藜晚步澗西頭主人挂之白石樓坐上
如沾淇水霧眼中似觀瀟湘秋水主人高標絕塵
俗身在喧囂志幽閒無事儵然對此君肯向人
間願祭肉余家秋隘逼塵市欲植千竿恨無地
每臨圖畫愛清風何年却遂嵇康志

畫鹿行

古來寫鹿誰最賢耶律以後皆無傳吾鄉近推
快園叟毫端物態俱天然快園野叟氣豪蕩此
圖全得山林象疑從靈囿翻然來走入君家錦

堂上玄圃平開藥草生靈泉倒瀉溪流清溪邊
伎伎似求侶草畔性性如有聲野更風流不可
見絲筆貽君足珍玩霜堂豈羨芙蓉園銅牌未
數宜春苑朱門駿馬金埒重內家鸚鵡栖雕籠
何如豐草任幽性虞人不得彎長弓憐君自是
全生者百年意興惟原野世路逃名不受羈雲
厓結伴寧相捨余本江南一散人梅將書劍悞
風塵披圖便欲捐簪珮共採萑蒿樂性真

題文太史水墨山水

卷一

九

赤城西望天台山石梁險巖不可攀梯岩援葛
乃得度上有王闕非人間東颺鴈蕩並稱勝疊
峰峻谷青相映龍湫之水天上來絕壁橫拖練
光淨我聞此景未得度不意烟嵐在縑素對面
疑聞瀑布聲隔溪似接挑源路吳興太史畫絕
倫一幅不啻輕千金試觀此圖何曠秀始信丘
壑歸胸襟吾鄉徐君嗜登涉題詩轉贈蒼苑絕
草閣高懸得臥游何須更訪雲中闕

武元亮過授按察照磨贈歌

達士乞身何太早洞口白雲愁不掃旅游獨憶
鳳臺花夢去只在雞山道乍携珠劍謁金扉已
厭黃塵點素衣長吟犧牛空被錦復云沙鳥解
忘機晚來忽上按閒疏頽假冠裳保貞素世人
富貴苦糾纏君視榮華草頭露風流虛拜幕中
官喜奉天書下紫轡物外漫拖新笏服江頭重
問舊漁竿芳菲鄧橘開僊圃顛倒烏紗游樂土
已諳雲路致身榮更脫塵裳折屐苦燕京斗酒
送歸驕朔雪寒雲起別愁眼看鴻鵠真真去縱
有虞羅不可求

卷一

十

老子青牛歌

大道無宗即元始萬化紛紜此根抵一氣常流
天地間古今得之惟老子老子本是日之精生
來鶴髮垂千莖三門雙柱貌絕異品物豈得同
儀形昔有元君稱上德見之親授神圖訣長疏
靈言七十篇頃刻玄途皆朗徹東游曉出函谷
關青牛獨跨輕塵窺關門令尹喜相識蓬占紫
氣知龍顏陵遷谷變幾千載道德遺文至今在

云誰了悟得長生俞君無乃聞真解君年六十
面如童健思飄飄欲御風已從六甲探玄牝復
臨九道窺洪濛吁嗟大道祗清淨坦兮若夷人
好徑君得真詮自永齡不須更訪扶桑境

耆社榮歡爲裴進士賦

名家喬木千仞長翠雲萬疊臨虛堂佳時勝節
敞高會父兄子弟紛成行畫朱紫根入珍腊夜
呼朝水添瑤漿篆中和氣在庭宇景雲瑞日爭
輝光中間一父髮盡白云是老人星降祥生兒

香山齋卷

十一

三十近天子只今已作尚書郎朝來捧檄過棠
梓橋邊觀者如堵牆登堂稱壽迭進酒滿座恍
惚聞天香人傳此老種陰德一門九族無參商
江州規範詎足數博陵家世還同芳老父春秋
不可記佳兒只尺登巖廊矧看年年耆社裏長
有恩波入壽觴

送內弟汝明南歸

去年憶爾來相訪長安雪片沾衣上今年送爾
江南歸前門滿地楊花飛天涯骨肉稀見面已

使分違隔歡宴可惜南雲不共還一曲離歌淡
如綫爾去懸知慰倚閭美孫老父正含飴天運
悠悠不可問百年但上黃金卮君不見高車終
悞蘇季子扁舟豈負范鵠夷歸到故園親友問
爲言清興遠東籬

香山齋卷

十二

省中稿卷二目錄

五言律詩

天文十詠

省中四詠

送薛仲常令慈谿

送焦子重推平陽

夏日過西宗別院

秋日病起

七夕

扈 碑上 陵

方塘卷

賀朱山人生子

寄洪上人

寄傑上人

明妃詞二首

恭詩 皇穹字敬賦

一章

詠一

詠萬

省中回偶然作

野航卷

贈林屋蔡丈

病起答蔡丈見懷

贈星士

秋日束徐君敘二首

送金子有會試

送張惟行會試

送僧

漂母祠

子房山

歌風臺

連窩曉發

送王汝器改判衡州

送王令

呂侍郎輓詩二首

送王元夫守敘州二首

送任州同

送溫子假歸

送華學職赴常山

送陸學職赴台州

未思卷

送葉院判省親

送人改縣

賓桂山房四首

飛來山房贈陳九臯

書楊母

初夏集錢司封園次

胡魚伯二首

送徐理問之山東

秋夜集謝應午館

集羽伯館

十月九日雪偶過謝子

陳戚曉第再會同年次孫太史二首

送馬抑之冊封魯藩次韻

冬日省中二首

至前臥病有懷省中

諸寮

至日早朝以病不赴

枕上有作

送楊進卿

送王戶部謫武林

余別陳山人久矣都

下邂逅令子喜而贈詩

送宋四

答羽伯

城西寺奉送東橋翁次韻四首

叨轉出京奉謝陳二子贈詩次答

過德州

過分水

過武城訪王祭酒 濟寧聞虜報

沽頭聞過許水部得虜退消息

還家志感

五言排律

太宰松皇翁壽詩五十韻

省中稿卷二

三

至後雪

送汪推府赴嘉興十韻

修竹園

俞隱君壽詩

石母壽詩

塔院病起次羽伯韻

楚山卷

送洪上人住持碧峰

太學陸君曉詩

省中稿卷二

五言律詩

天文十詠

省中視政簿領稀簡靜玩玄文謬裁短

什

天

鍊石何曾補蒼蒼本太空萬形歸覆幬一氣自

鴻蒙健與推輪並圓將倚蓋同勿持方寸管容

易測穹窿

省中稿卷二

日

見朗懸離照舒長識化微嶠崦昏乃入腸谷曉

還升異道成寒暑分時判寢興癸心無一寸於

此向偏能

月

天上飛明鏡揚輝滿八延虛疑魚腦滅盈覺蚌

珠全絕塞光逾冷深閨照獨偏此中有靈藥乞

與度長年

星

麗天疑有質連目各呈輝森布標分野群木捧
太微宵占賢士聚曉覺故人稀獨愛旌頭落天
山奏凱歸

雲

絕岫無心出長空不斷飛映巖遙作障觸石遂
成衣迢遞瞻親舍繽紛繞禁闌成霖須歛盡莫
遣辭晴暉

風

飄米盈王宇起處自青蘋觸物鳴天籟乘時轉
化鈞入歌遠漢里度曲阜虞民更喜北窗下炎
天來故人

露

灝氣迎秋淨神槩入夜繁細煙承曉日薄潤接
平原入柳蟬爭咽沾松鶴共翻金莖慰消渴何
日賜文園

霜

玉露迎寒結鉛華向曉濃空中擎鷹隼溪上老
芙蓉黃鸝金高梧葉清閑遠戍鐘其令含怨地長

夏似嚴冬

霧

迷茫何處起宇宙倏難分漠漠疑寒雨飄飄亂
水雲柳塘春黯淡花塢夜氤氲獨有南山豹因
成五色文

雪

乍見彤雲合旋驚密霰飄霏霏沾閣道莽莽積
林梢已覺鴻飛絕愁看馬去遙如何吟客興偏
在潯陵橋

省中四詠

省直希營即物成詠會心寄意情見乎
詞

鶴

映日星霜耀凌風玉趾魚鱗游畫省漱漱下
青田對啄依深砌長鳴徹遠天何當唳萍葉剌
羽太湖邊

鹿

何日辭玄圃空庭臥綠茵全生迷羽獵混迹向

風聲枕石如求友，御花欲近人，敢忘豐草樂容。
易折天真。

菊

籬下黃金色，分栽鳳鳥司。遂令游宦地，忽動故園思。屈子食英日，陶公送酒時。行藏各有意，莫笑挂冠遲。

柏

膝爾龍從樹，嚴霜不可摧。羽儀連複道，寒翠落空臺。歲久蟠根遠，風晴鵲語來。已能辭翦伐，會

長拂雲材

送薛仲常令慈谿

詞客越州去，花封新剖符。江天開列宿，海日照

雄倉。雨度甘棠樹，霜飛白玉壺。歸來登瑣闥，看爾伏青蒲。

送焦子重推平陽

美人汾水去，旌旆入初霜。鴈塔交情重，龍門別路長。登堂懸明月，到郡轉春陽。淑問他年玉，山公有薦章。

夏日過西宗別院

退食尚書省，聯鑪大士林。地開傳梵境，客抱出塵心。石竹下空翠，山雷生晝陰。竭來幽賞意，一寄白雲岑。

秋日病起

暮雨滌煩暑，西風吹客裾。雲開天漢迥，露下井桐疎。節變殊方外，心清多病餘。眼看鴻鴈度，未得素交書。

七夕

秋風開令序，良會屬清宵。一水光澄澈，雙星影動搖。天空雲作帳，河廣鵲爲橋。應有明朝恨，相望不可邀。

毫 蹕上 陵

園陵開地紀，輦仗駐天顏。雲擁蒼苔樹，霞生錦繡山。御香飄竹外，朝珮集花間。七帝留功德，龍髯不可攀。

方塘卷

婉孌方塘淨，虛亭一鏡開。斷雲搖石壁，輕鷗點

春苔引水通芝圃臨流着釣臺
考槃非爾志其負濟川才

賀朱山人生子

中歲臧孫氏文閭慶始傳光
迎釋氏駕歡動第花筵老蚌珠
秋吐高堂矢晝懸遙看食牛氣不
負夢熊篇

寄洪上人

迢遞南朝寺高僧臥碧峰
簷花拂檻門靜鶴巢松一自趨金
馬常時夢白龍入來傳麗藻空
負石樓鐘

省中稿卷二

六

寄傑上人

不見吳公久還思鴈字堂
花臺青鳥集石屋紫芝香
待月攀蘿磴翻經坐竹牀
別來迷去住渾欲假慈航

明妃詞二首

黃屋和親意紅顏入虜情
心摧回紇馬夢斷上林鴛
朔氣朱絃動胡塵玉面生
翠華瞻漸遠空憶屬車聲

拾龍辭龍陸會愁赴谿鄉
花飛顏北墮天遠恨俱長
綺筵連沙白關雲出塞黃
多情漢宮月流影照毳裳

恭謁 皇穹宇敬賦一章

分祀崇郊典嚴居肅帝宮
高明一祖配陟降八神同
紫氣團華蓋玄陰接上穹
萬年瞻秉璧靈貺自無窮

詠一

天地清寧後侯王乃見尊
車書崇大統號令戒多門
士以無雙貴心由不貳存
萬殊元有本吾道與誰論

省中稿卷二

七

詠萬

品物形容別君門道里多
從三生幾許挂一漏如何
對策言難盡封侯戶豈過
獨欣欣歌聖壽列國似星羅

省中回偶然作

結綬逢清世移家近上林
鄉園三選隔歲月二毛侵
座有長春酒庭無暮夜金
承顏借微祿充

詠豈吾心

野航卷

避世住滄浪新秋泛野航川花迎棹吐汀霧酒
衣涼日落青山列煙開白鷺翎虛舟迷出處鼓
櫓混漁郎

贈林屋蔡丈

望重齊珠斗官閒臥王堂澗花通御氣院樹接
天香閣靜燃藜火池晴狎鳳皇盛時兼吏隱高
味意何長

病起答蔡丈見懷

病起秋江晚黃花悵遠天喜逢金馬使持贈錦
雲篇玉版虬龍綴瑤田象緯懸江湖瞻大雅投
分荷忘年

贈星士

僊人游汗漫飛鶴下匡廬靜悟虛中術閒觀李
主書坐揮彤竹管行佩紫霞裾江漢開簾肆談
窮半斗居

秋日東徐君敘二首

秋生烏鵲鎮客臥鳳皇城火宿金天墜陰虫石

竇鳴鑿葵調錦帶壁劍挂蒼精偃仰蓬蒿室饒

園阻共行

契闊南州士銀牀桐葉秋靜懷憂鬱登清憶桂
香浮舊業貂璫貴高情洞壑幽玄珠如可覓白
首願相求

送金子有會試

同歲攀秋桂才名衆不如夙窮京氏易今上買
生書虹挂雙龍劍雲飛五鳳簾茲行登瑣闥長

謝薛蘿居

送張惟行會試

錦纜白牙檣青雲去路長交情齊鮑叔易學漢
京房釋褐趨東觀含香入建章羨君揚世德喬

木有輝光

送僧

方袍見爾賢何處度迷川雙脫真如地長游不
住天陶瓶藏法雨芒屨躡慈煙飛鳥歸休晚相
期驚嶺邊

漂母祠

逃名稱漂母臨難惜王孫豈愛千金報終懷一飯恩行高人不及代久貌如存蘋草年年發行薦酒尊

子房山

高人今不作異代想風流雙託三人傑何關萬戶侯雲從低岫返水抱古祠流悵望冥鴻翼凡禽不共游

歌風臺

省中稿卷三

十一

真人提劍出羣策授戈同惠首三秦地名高百戰功袞衣懷舊社天馬入新豐今日高臺上還思歌大風

連窩曉發

袒衣常候曙解纜數侵星煙鏤堤楊暗雲蒸水霧腥卷簾低象緯鳴榔放鷁鵲觸熟食微祿空懷白石丹

送王汝器改判衡州

八桂馳聲久三銓論績優言過秦列郡重佐漢

諸侯策駕青雲路開尊錦甸秋此行將白璧光彩照梁州

送王今

出國乘雙鳥看山入九疑桂風開道路珠宿落旌旗地有鴻龐俗庭無雀角詞君才况循吏會有賜金時

呂侍郎輓詩二首

華嶽遙鍾秀天階首策名雄文光王畧雅念濟蒼生抗俗身常詘旋乾志未成居然龍德隱愁

省中稿卷三

十一

絕望霖情

禮樂瞻先進文章仰大賢江湖身獨老廊廟望空懸曳杖歌傾木藏舟罷濟川乾坤留妙撰還並六經傳

送王元夫守敘州二首

帝簡二千石何妨萬里賒燕山一尊酒送子向三巴地雜樊人語亭開荔子花豫占宣政日甘雨定隨車

吾愛彤庭尉新爲皂蓋臣還將五覆念去布九